

忠義璇圖

卷一

卷二

卷三

卷四

忠義璇圖

古本戲曲叢刊九集之十

古本戲曲叢刊編輯

委員會景印北京國

書館藏清內府鈔本

第一出 宣諸神發明表旨



第一本 一

雜扮八靈官執鞭從昇天門上跳舞鳴爆竹鞭淨
臺介仍從昇天門下衆護法魁星羅漢衆大儒衆
星官擁釋迦佛文昌帝君老君上合唱

新水令

籠

光華瑞靄散諸天會靈山法身齊現萬

殊歸一本三教總同源宗派相傳直與那天地共悠

遠奏樂介陞座分白悟徹菩提証妙通齊家治國有

儒宗五千道德元門秘聖旨恩深喜並崇我佛釋迦

如來佛是也吾神文昌帝君是也吾神太上老君是也積功行之無算與天地而長存道統成三維爾分門別戶利物則一總為覺世度人去上古而茫茫事還登其已往慮季世之擾擾機當防以未來必須默運神通庶可潛回造化

佛白

先事而慮謂之先覺後

事而慮謂之後覺即如宋室氣運大有一番兵戈擾攘世人昧昧何由先事消弭文昌老君如來智慧誠為先覺我等所慮亦因向日鎮壓妖魔在龍虎山中

形雖未彰機已漸露將出現人世矣未免傷害生靈
深屬可憐可憫佛曰靜極則動隱久當顯時節因緣
固莫能強雖然如此我等自當默相護佑以安大地
衆生 衆羅漢大儒星官仝白三位教主憐憫世人發
大慈悲心功德非小也 三教白我想這閻浮世界呵

唱

駐馬聽 運會千年往古來今多變遷神通一展掀
天揭地費週旋 漫道那主張造化有專權 可知這維

持民物多深願好憑法力無邊直待要扭得那天
心轉文昌老君全白觀消長之機識盈虛之理妖魔
出世此其一也只因宋室道君皇帝內任奸邪以致
外招寇盜那山東宋江江南方臘淮西王慶河北田
虎四處大寇同時作亂雖無大害惟恐傷殘民物佛
法無分彼此還當作何普濟終好佛白那些大寇同
時竊發我已預知已經相召各處城隍并山川之神
待其到來面諭他們便了文昌老君全白我佛慈悲

保全無量生靈矣

佛白但以我慧眼觀之紛擾塵寰

不僅如是那宋室自藝祖開國天下太平已有年矣

無奈氣運相承數十年後更有一番戰爭之事棄汴

京而走臨安倚長江以為天塹天下遂成南北之勢

矣文昌老君白大數當然即天地亦無如之何我

等遙想宋室君臣呵合唱

沉醉東風坐花間春風綺筵恣遊樂忘反流連到

後來南渡的再得個中興只可憐北狩的何年得轉

有兆頭天津橋聽徹啼鵲雖說是運數推遷總在天

也則為人事兒有些來舛扮各省城隍八山川神上

唱

鴈兒落望雷音輝輝佛日懸催電車陣陣神飈捲

遙見那金繩法界開早又是寶地檀場建白我等山

川嶽瀆神是也我等各省城隍是也今者三教教主

會聚靈山蒙佛旨相召特地趨赴遙見介三位教主

在上小神等參禮三教白諸神少禮城隍山川神白

三位教主相召我等不識有何法旨三教白諸神民
社所寄責任非輕爾等境內各有巨寇為亂是皆爾
諸神所當防禦况十室之邑必有忠信一境之地寧
乏善良豈可使崑崙失大玉石不分乎務須各展威
靈力為保護山川民物眾神應介釋迦佛文昌老君
全唱

得勝令 呀可奈他逆氣煽處勢滔天要仗伊護好
了錦中原 幸喜得大都會金甌樣固怎能敵小城垣

鐵桶般堅處處裏山川莫使那戎馬頻蹂踐

在在的

黎元縱遇着兵戈要保全衆神仝白三位教主慈悲

憫世拯救羣生小神等仰體好生之心自當默相護

衛便了衆唱

掛玉鉤俺都是享祀興朝有百年自然的多靈顯

雖不能壯志如他祖逖鞭也索要圖完善那凡人明

處裏將勲績獻俺神祇暗地裏把功勞建但能鼓一

境安然終消得萬姓香烟三教白保護山川民物固

是諸神分內之事但須早為籌畫以備不虞

唱

川撥棹

休待要兵和將逼壕邊
須把那戶牖綢繆

未雨先

有一日氣運推遷天意回旋依舊的民物完

全憑那保障的

威靈方始顯

衆神白小神等就此前

去預作準備一俟昇平即當前來回覆法旨

唱

兄弟

看終來鹿苑又遽辭法筵剛一瞬打盤旋

喜歸途趁天風便望齊州何處依微顯淡濛濛九點

烟光遠

下三教白

衆神祇已遵法旨而去想彼自能

保境安民也 三教下座科合唱

煞尾

俺可也慈悲同發菩提願 俺可也素齋分操

造化權扶持世運

也則是分當然 好把那測不盡的

靈光大施展 衆羅漢大儒星官擁三教下衆護法神

跳舞下

第二出 建大醮酬答昇平

扮四宰相文彦博范仲淹趙哲包拯四朝臣歐陽
修張堯佐扶青杜衍上唱

賽觀音 月初沉星猶綴聽紫陌喧傳曙雞想萬戶

千門洞啟喜殿頭綵仗正排齊白蓬萊仙闕五雲中

閭闔踈鐘下曉風夜景未收宮樹暗玉堦花影尚朦

朧下官文彦博是也下官范仲淹是也下官趙哲是

也下官包拯是也下官歐陽修是也下官張堯佐是

也下官狄青是也下官杜衍是也四宰相白幸生盛
代四朝臣白欣事熙朝四宰相白望重鳳池職在股
肱帝室四朝臣白聲傳鷺序任當經濟邦家合白親
庶績之成熙知明良之交泰禮應稱賀詎合頌揚今
當早朝時分你聽天樂鏗鏘御香馥郁聖上將次陞
殿須當肅儀而待內奏樂衆武士擺鑾駕四小內官
四大內官內有洪信二黃門官四昭容上設朝介衆
宰相朝臣奏介合唱

好子樂

好事近
首至四

初日耀彤墀
早殿上扇開
雉尾賡

歌拜手共仰
取天顏有喜

白臣等奏聞
陛下

昭容白

奏來

宰相朝臣白

恭遇吾皇御極以來
仁風善政無

地不被普天之下
年歲豐登萬民樂業
臣等躬遇此

太平盛世曷勝歡忭之至

唱
刷子序
五至合

羣黎欣同戴

光天化日幸長際景運昌期

天樂
八至末

普聽遐邇歡聲如

沸盡道是皇朝有慶聖主無為

扮太監捧旨上白

聖旨下聞卿等所奏世運清寧民風淳朴朕心喜焉